



Umhverfis- og skipulagsráð
Borgartún 12-14
105 Reykjavík

Tillaga borgarfulltrúa Sjálfstæðisflokksins um snjallgangbrautir við grunnskóla

Á fundi borgarstjórnar þann 4. október 2022 var samþykkt að vísa svohljóðandi tillögu borgarfulltrúa Sjálfstæðisflokksins til meðferðar umhverfis- og skipulagsráðs:

Lagt er til að farið verði í átak við að setja upp snjallgangbrautir við alla grunnskóla í borginni til að auka umferðaröryggi skólabarna. Um er að ræða nýjar tæknilausnir sem skynja þegar gangandi vegfarendur nálgast gangbraut og kveikja þá LED-götulýsingu, sem sett er upp þannig að einungis gangbrautin og sá sem fer yfir verða lýstir upp. Þá kviknar lýsing í gangbrautarmerkinu og viðvörunarljós fyrir akandi umferð. Umræddar gangbrautir yrðu þáttur í snjallvæðingu Reykjavíkurborgar með umferðaröryggi gangandi vegfarenda og þá sérstaklega skólabarna að leiðarljósi.

Það tilkynnist hér með.
Greinargerð fylgir tillögunni.

Helga Björk Laxdal
e.u.

Hjálagt:

Tillaga borgarfulltrúa Sjálfstæðisflokksins um fjölgun snjallra gangbrauta við fjölfarnar gönguleiðir barna í Reykjavík

Lagt er til að farið verði í átak við að setja upp snjallgangbrautir við alla grunnskóla í borginni til að auka umferðaröryggi skólabarna. Um er að ræða nýjar tæknilausnir sem skynja þegar gangandi vegfarendur nálgast gangbraut og kveikja þá LED-götulýsingu, sem sett er upp þannig að einungis gangbrautin og sá sem fer yfir verða lýstir upp. Þá kviknar lýsing í gangbrautarkerkinu og viðvörðunarljós fyrir akandi umferð. Umræddar gangbrautir yrðu þáttur í snjallvæðingu Reykjavíkurborgar með umferðaröryggi gangandi vegfarenda og þá sérstaklega skólabarna að leiðarljósi.

Greinargerð

Ljóst er að gera þarf átak í að bæta umferðaröryggi á gönguleiðum skólabarna en fram kom í úttekt sem gerð var árið 2020 að víða er umferðaröryggi við skóla borgarinnar ábótavant. Fram kom í úttektinni að einungis voru gangbrautarljós við sjö skóla og við níu skóla voru ekki gangbrautir. Margar nýjar tæknilausnir auka öryggi gangandi vegfarenda verulega. Þar má nefna hreyfiskynjara, LED-lýsingu, upplýst gangbrautarkerki o.fl. Gangbrautum með slíkri tækni hefur nú þegar verið komið upp við fjóra skóla sem tilraunaverkefni að tillögu okkar sjálfstæðismanna, sem reynst hafa vel. Hefja þarf sem fyrst átak í því að koma upp slíkum gangbrautum við alla grunnskóla borgarinnar til að tryggja betur umferðaröryggi skólabarna.